

27 FEB 1999

DR MAHATHIR SAMPAI ANUGERAH D.M.N. PADA SULTAN TERENGGANU

KUALA TERENGGANU, 27 Feb (Bernama) -- Perdana Menteri Datuk Seri Dr Mahathir Mohamad hari ini mewakili Yang di-Pertuan Agong Tuanku Ja'afar menyampaikan anugerah Darjah Utama Seri Mahkota Negara (D.M.N) kepada Sultan Terengganu di sini.

Penyampaian anugerah itu adalah sempena pertabalan Sultan Mizan Zainal Abidin sebagai Sultan Terengganu ke-16 pada 4 Mac.

Sebelum itu, ketibaan Dr Mahathir yang diiringi isterinya Datin Seri Dr Siti Hasmah Mohd Ali di lapangan terbang Sultan Mahmud di sini, disambut para pembesar negeri diketuai Menteri Besar Tan Sri Wan Mokhtar Ahmad.

Rombongan Perdana Menteri kemudian terus ke Istana Badariah di Batu Buruk di sini untuk upacara penganugerahan. Majlis itu diikuti dengan jamuan tengah hari di tempat yang sama.

Dr Mahathir berlepas balik ke Kuala Lumpur petang ini.

-- BERNAMA
SBJ LAT RON